

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

EKONOMIA SUSTAPENAREN, ENPLEGUAREN, MERKATARITZAREN ETA TURISMOAREN SAILA

Ingurumen-jardunbide egokientzako Itun Berdea sarien IX. edizioaren deialdi publikoa eta berariatzko oinarriak

2023ko apirilaren 21ean egindako ohiko bilkuran, Vitoria-Gasteizko Udalbatzak Vitoria-Gasteizko Udalaren dirulaguntzen ordenantza orokorrari hasierako onespina ematea erabaki zuen. Behin betiko ordenantza 2023ko uztailaren 28ko ALHAOn argitaratu zen (88. zenbakia), eta 2023ko urriaren 1ean jarri zen indarrean. Ordenantzaren xedea da Vitoria-Gasteizko Udalaren dirulaguntzak emateko prozeduraren oinarri arautzaile orokorrak ezartzea.

2024ko apirilaren 12an egindako bilkuran onetsi zituen Tokiko Gobernu Batzarrak ingurumen-jardunbiderik onenak saritzeko Itun Berdea sarien IX. edizioaren deialdi publikoa eta hori arautuko duten oinarriak.

Berariatzko deialdi honetara aurkeztu nahi duten pertsona eta entitateek oinarri orokor horietara jo beharko dute jakiteko non eta nola aurkeztu eskabideak, zein betekizun eta betebeharrak izango dituzten eskatzaileek, nola justifikatu behar dituzten dirulaguntzak, zein formulario baliatu behar dituzten eta abar.

Udalaren webgunean (www.vitoria-gasteiz.org) eta herritarrei laguntzeko bulegoetan kontsulta daitezke biak.

Erabaki honen kontra, administrazio-bidea agortzen baitu, zuzenean aurkez daitezke administrazioarekiko auzi-errekurtsoa Vitoria-Gasteizko Administrazioarekiko Auzietarako Epaitegietan, bi hilabeteko epean, hau argitaratzen den egunaren biharamunetik. Nolanahi ere, aldez aurretik, aukerako berraztertze errekurtsoa aurkez daitezke, Tokiko Gobernu Batzarraren aurrean, hila-beteko epean, hau argitaratzen den egunaren biharamunetik —kasu horretan, ezingo da administrazioarekiko auzi-errekurtsorik aurkeztu hori espresuki edo ustez ebatzi arte—. Guztia ere, Administrazio Publikoen Administrazio-prozedura Erkidearen urriaren 1eko 39/2015 Legearen 123. eta 124. artikuluetan eta Administrazioarekiko Auzien Jurisdikzioa arautzen duen uztailaren 13ko 29/1998 Legearen 8. eta 46.1 artikuluetan xedatutakoaren ildotik, hargatik eragotzi gabe interesdunek egoki deritzoten beste edozein errekurtso baliatzeko aukera.

Deialdiaren berariatzko oinarri arautzaileen publikotasunaren inguruan araudietan xedatutakoa betetze aldera, argitara ematen dira:

Arau esparrua

Deialdi hau dagozkion oinarriek eta honako arau hauek arautuko dute:

— Dirulaguntzei buruzko ordenantza orokorra (2023ko uztailaren 28ko ALHAO, 88. zenbakia).

2023ko apirilaren 21ean egindako ohiko bilkuran, Vitoria-Gasteizko Udalbatzak Vitoria-Gasteizko Udalaren dirulaguntzen ordenantza orokorrari hasierako onespina ematea erabaki zuen. Behin betiko ordenantza 2023ko uztailaren 28ko ALHAOn argitaratu zen (88. zenbakia), eta 2023ko urriaren 1ean jarri zen indarrean.

Araudi horren lehen artikulua xedatzen duenez, ordenantzaren xedea da Vitoria-Gasteizko Udalaren dirulaguntzak emateko prozeduraren oinarri arautzaile orokorrak ezartzea.

- Dirulaguntzen plan estrategikoa (2022-2024), 2022ko urtarrilaren 21eko Tokiko Gobernu Batzarrean onetsia.
- 38/2003 Lege Orokorra, azaroaren 17koa, Dirulaguntzei buruzkoa.
- Dirulaguntzei buruzko Lege Orokorren Erregelamendua (uztailaren 29ko 887/2006 Errege Dekretua).
- 39/2015 Legea, urriaren 1ekoa, Administrazio Publikoen Administrazio Prozedura Erki-dearena.

1. oinarria. Dirulaguntzen plan estrategikoa eta dirulaguntza-ildoak

Laguntza hauek indarrean dagoen 2022-2024ko dirulaguntzen plan estrategikoan –08_04_v03 fitxan– aurreikusten dira, zeina 2024ko apirilaren 12an onetsi baitzuen Vitoria-Gasteizko Udaleko Tokiko Gobernu Batzarrak.

Planak dirulaguntza-ildo honen barruan kokatzen ditu laguntza horiek: enpresak sustatzeko laguntzak.

2. oinarria. Deialdiaren xedea

Itun Berdearen ekimenari atxikitako erakundeek —Nazio Batuen Erakundearen garapen iraunkorreko helburuekin bat etorritik— beren jardueren ingurumen-inpaktua murriztu eta ingurunearekiko harremanak hobetzeko eta, hartara, ekoizpen-sistema lokalak ekoizpen-eredu zirkular eta karbono gutxikora trantsizioa egin dezan laguntzeko martxan jarri dituzten jardunbiderik onenen balioa publikoki aitortzea da Itun Berdea sarien deialdi honen xedea.

Negozio- eta ekoizpen-ereduak eraldatzearen alde apustu egiten duten enpresen eta enpresa-esparruko erakundeen udal plataforma bat da Itun Berdea, ekonomia berde eta zirkularerako trantsiziara bideratuta, funtsezkoa baita klima-aldaketaren aurkako erronkari ekiteko. Erakunde horiek ingurumen-kudeaketaren jarraibideak bere egiten dituzte, hiriaren eta ingurunearen garapen ekonomiko iraunkorra bultzatzea xede. Ingurumen kudeaketarekin konprometitutako profesional eta enpresen sarea sortu eta sendotzea du helburu, Vitoria-Gasteiz ekonomia zirkularren erreferente gisa posizionatu dadin, eta hiri berdearen marka indartu. Enpresei —beren jarduera-eremua edo tamaina edozein izanik ere— ingurumen-konpromisoak aurrera eramateko eskaintzen zaien aukeratzat jotzen da, beren jarduera eraginkortasun handiagoz ekoitzi, banatu eta kontsumitzeko modu batera bideratzeko aukeratzat.

Deialdiak Garapenen Jasangarriko Helburu (GJH) hauen betetze-maila du helburu, batez ere:

12 – “Kontsumo eta ekoizpen arduratsua”

13 – “Klimaren aldeko ekintza” eta

17 – “Helburuak lortzeko aliantzak”

Hauek dira IX. Itun Berdea sarien deialdiaren helburuak:

- Itun Berdeari atxikitako erakundeek klima-aldaketari eta horren eraginei aurre egiteko egiten dituzten ahaleginak jendaurrean saritu, ezagutarazi eta zabaltzea.
- Enpresen esparruan erabilgarritasun praktikoa duten jarduketak ezagutzera eman eta erakustea, gida eta eredu gisa funtziona dezaten, eta beste enpresa batzuetara aldatzerik izan dadin.
- Ingurumenaren alorreko inplikazioa, motibazioa eta kontzientziak lortzea, bai zuzendaritzarena, bai langile guztiena ere.
- Garapen iraunkorraren aldeko ekintzak bultzatzea, era guztietako enpresa-jardueretan.
- Negozioa egiteko —enpresa egiteko— modu berriak deskubritzea, non ingurumen-inpaktu positiboek pertsonen bizitza-kalitatea eta planeta hobetzen lagunduko baitute.

3. oinarria. Saritu daitezkeen ekintzak

Sari honetara aurkeztutako jardunbide-egokiek garapen jasagarriko 12. helburua (kontsumo eta ekoizpen arduratsua) eta 13.a (klimaren aldeko ekintza) betetzen lagundu behar dute, eta erakundeak ezarri dituen alderdi zehatzen ingurukoak izan beharko dute, hobekuntza-esparru hauetakoren batean:

Ekonomia zirkularra.

– Ekodiseinua, zerbituzazioa, birmoldatzea/konponketa/berregokitzea/retrofitting/birmanufaktura eta birziklatze aurreratua, honakoak xede:

- lehengaien kontsumoa gutxitzea,
- lehengaien ordez bigarren mailako materialak jartzea,
- hondakinak minimizatzea eta balio materiala ematea.

– Bizi-zikloaren analisisa egitea fase bakoitzak – lehengaiak lortzeko prozesuak, fabrikazioak, biltegiatzeak, banaketak, kontsumoak eta bizi-amaierak– duen ingurumen inpaktua ezagutzeko.

Ingurumen-aztarna.

– Berotegi-efektuko gasen emisioak murrizteko neurriak – zuzeneko energiaren eta materialen baitako energiaren kontsumoa murriztuz, energia berriztagarriak sortuz – eta jardueraren inpaktu klimatikoa murrizteko konpentsazio-ekintzak.

– Ur eskaria kontrolatzeko neurriak eta enpresan zuzeneko nahiz zeharkako ur-kontsumoa murrizteko ekintzak.

– Enpresaren jarduerak beste inpaktu-kategoria batzuetan duen eragina murrizteko beste edozein neurri.

Ingurumen-sentsibilizazioa.

– Bozgorailuarena egiten duten ekintzak. enpresaren interes-taldeetan ingurumen-zaintza hedatu eta sustatzen dutenak, iraunkortasunaren aldeko ekintzara eragile gehiago erakartzen dutenak.

Naturan oinarritutako irtenbideak.

– Lurralde- eta hiri-kudeaketaren arloko hainbat arazori konponbidea bilatzeko naturako printzipioak baliatzen dituzten ekintzak; esaterako, klima-aldaketarekiko egokitzapena, baliabideen kudeaketa edo airearen eta ingurunearen kalitatea. Ikuspegi horretatik, enpresak jadanik ez dira naturako produktu eta zerbitzuen onuradun pasibo hutsak; aitzitik, modu proaktibo eta estrategikoan babesten, kudeatzen eta lehenagoritzen dituzte ekosistemak.

4. oinarria. Sarien kategoriak

Itun Berdeari atxikitako erakundeek jaso ahal izango dute saria, baldin eta, Itun Berdearen komunitateko balioen presentzia handitzea lortu badute, beren jarduera-eremuan ekimenak garatuta. Bi sari mota daude:

1. Saria dirutan:

Enpresen tamainaren arabera hiru kategoria daude, eta 2.000,00 euroko saria bakoitzean:

- Mikroenpresen kategoria: 1-9 langile.
- Enpresa txikien kategoria: 10-49 langile.
- Enpresa ertain eta handien kategoria: 50 langile edo gehiago

Indarrean dagoen zerga-araudiari lotuta egongo dira sariak.

II. Ohorezko saria:

Ez du zuzkidura ekonomikorik; aitorpen publiko eta instituzionala da.

Aurkeztutako ekimen guztiei, sarituak izan ala ez, zabalkundea emango zaie, Vitoria-Gasteizek garapen jasangarriarekin hartua duen konpromisoari Itun Berdearen komunitateak egiten dizkion ekarpenen erakusle diren aldetik.

5. oinarria. Saria jakinarazteko edo argitaratzeko bidea

Vitoria-Gasteizko Udalaren dirulaguntzen ordenantza orokorrak (2023ko uztailaren 28ko ALHAO, 88. zenbakia) 24.6 artikuluan xedatutakoaren arabera, dirulaguntzak emateko edo ukatzeko ebazpenak ALHAOn eta Vitoria-Gasteizko Udalaren webguneko (www.vitoria-gasteiz.org) iragarki-taula digitalean argitaratuko dira. Emandako edo ukatutakoen zerrenda argitaratuko da, pertsona edo enpresa eskatzaileak adierazita, baita zenbatekoa ere, Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoak emandako irizpideak kontuan hartuz.

Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 8. artikuluan xedatutakoaren ildotik, ematen diren dirulaguntza eta laguntzak Vitoria-Gasteizko Udalaren Gardentasun Atarian argitaratu beharko dira, xehetasun hauekin: zenbatekoa, xedea edo helburua eta onuradunak; horretaz gain, Dirulaguntzei buruzko azaroaren 17ko 38/2003 Lege Orokorraren 20. artikuluan xedatutakoa hartuko da kontuan.

6. oinarria. Erakundeek deialdian parte hartzeko bete beharreko baldintzak

Enpresa bakoitzak gehienez bi jardunbide aurkeztu ahal izango ditu.

* Betekizun orokorrak.

Ingurumen arloko jardunbide egokietarako Itun Berdea IX. sarietarako hautagai den erakunde orok baldintza hauek bete behar ditu:

Itun Berdearen Komunitateari (https://www.vitoria-gasteiz.org/wb021/was/contenidoAction.do?idioma=eu&uid=u_833ce30_133affe9adf_7fd8) atxikita egon beharko du, eta bere prozesu, produktu edo zerbitzuen ingurumen-inpaktua modu aktiboan murrizteko jardunbide onen bat ezarria izan beharko du 2023-2024 aldian, garapen jasangarriko helburuak betetzeko konpromisoaren adierazgarri.

– Indarrean dauden xedapenek ezarritako zerga-betebeharrak edo Gizarte Segurantzarekiko betebeharrak egunean izatea, erregelamenduz zehaztutako moduan.

– Dirulaguntzei buruzko ordenantza orokorren 11. artikuluan edo Dirulaguntzei buruzko azaroaren 17ko 38/2003 Lege Orokorraren 13.2. artikuluan aipatzen diren debeku-egoeretako batean ez egotea.

* Berariazko betekizunak.

Zuzkidura ekonomikoa duen saria eskuratzeko, baldintza gehigarri hauek bete behar dira:

– Enpresa gisa legez erata egotea (industria- eta merkataritza-jardueretan edo irabazteko asmoarekin zerbitzuak ematen dituen erakundea).

– Enpresaren egoitza fisikoa edo helbide fiskala Vitoria-Gasteizko udalerrian egotea.

Honakoek jaso ahalko dute ohorezko saria, betiere arestian aipatutako baldintza orokorrak betetzen badituzte:

– Vitoria-Gasteizen erroldatu gabeko enpresak.

– Sozietate publikoak eta zuzenbide publikoko erakundeak, Vitoria-Gasteizkoak izan edo ez.

– Irabazi-asmorik gabeko erakundeak eta elkar- eta lanbide-jarduerak egiten dituztenak, Vitoria-Gasteizkoak izan edo ez.

7. oinarria. Baliabide ekonomikoak

Deialdi honetan aurreikusitako zuzkidura 6.000,00 eurokoa, 2024rako indarrean dagoen udal-aurrekontuko 2024/08.21.4331.489.85 partidako ("Itun Berdea Sariak") saldoaren kontura.

Dirulaguntzei buruzko Lege Orokorraren Erregelamenduaren 58. artikuluan xedatutakoaren haritik, zuzkidura hori handitzerik izango da Ekonomia Sustapenaren, Enpleguaren, Merkataritzaren eta Turismoaren Saileko zinegotzi ordezkariaren erabakia dela medio, baldin eta udal sail horrek enpresei zuzendurik egiten dituen deialdietakoren batean soberako krediturik badago, eta interes publiko, ekonomiko eta sozialeko arrazoiak tarteko.

Edonola ere, zenbateko gehigarria erabiltzekotan aski kreditu izan beharko da erabilgarri eta, behar izanez gero, dagokion aurrekontu aldakuntza egin beharko da horretarako, dirulaguntza emateko ebazpenaren aurreko edozein unetan.

8. oinarria. Bestelako laguntza eta dirulaguntzekiko bateragarritasuna edo bateraezintasuna

Oinarri hauetan aurreikusitako laguntzak bateragarri izango dira helburu berarekin Estatuko edo Europar Batasuneko edozein administrazio edo entitate publikok edo nazioarteko edozein erakundek emandako bestelako dirulaguntza, laguntza, diru-sarrera eta baliabideekin.

9. oinarria. Eskabideak aurkezteko epea eta bideak

9.1. Deialdia ALHAOn argitaratzen den egunaren biharamunetik 2024ko irailaren 30era artekoa izango da eskabideak aurkezteko epea, biak barne, alde aurretik Diru-laguntzen Datu-base Nazionalean laburpen-iragarkia argitaratuta.

9.2. Bide hauek baliatu ahalko dira eskabidea eta nahitaezko dokumentazioa aurkezteko:

– Vitoria-Gasteizko Udalaren egoitza elektronikoa (<https://egoitzelektronikoa.vitoria-gasteiz.org>). Eskabidea eta gainerako dokumentazioa online erregistratu ahalko dira, erregistro elektronikoen bidez. Horretarako, identifikazio-txartel digitala erabili beharko da.

– Aurrez aurre:

– Udalaren bulego teknikoetan (Dublang Margolariaren kalea); ordutegia: 8:30 - 14:00 (hitzordua eskatu behar da, 010 telefonoan edo www.vitoria-gasteiz.org webgunean).

– Gizarte-etxeen sareko herritarrei laguntzeko bulegoetan (hitzordua eskatu behar da, 010 telefonoan edo www.vitoria-gasteiz.org webgunean).

Aurrez aurre arreta emateko gunean dokumentazioa orri solteetan aurkeztu beharko da, grapa, klip edo multzokatzeko beste sistematik erabili gabe.

Administrazio Publikoen Administrazio Prozedura Erkidearen urriaren 1eko 39/2015 Legearen 89. artikuluan xedatutakoaren arabera (16.4 b artikulua), eskabideak posta-bulegoetan ere aurkeztu ahalko dira, erregelamenduz ezartzen den moduan.

Deialdi honetako izapideak arintze aldera, helbide elektroniko bat gaituta eta operatibo eduki beharko dute eskabidea egiten duten pertsonak tramitazioak iraun bitartean, aurkeztutako eskabideak arin eta eraginkortasunez ebazteko oharrak jaso ahal izateko.

9.3. Interesdunek eskabidea aurkezteak oinarri hauek onartzen dituztela esan nahiko du.

9.4. Eskabideak epez kanpo aurkezten badira, ezetsi egingo dira.

10. oinarria. Nahitaezko agiriak

Dokumentazio hau erantsi beharko zaie oinarri hauetan arautzen diren eskabideei:

– Eskabide-orria eta zinpeko aitortpena (l. eranskina).

– Erakundearen IFZren kopia, eskabidea aurkezten duen pertsonaren nortasun-agiriaren kopia, eta, hura titularra ez bada, jarduteko ordezkatzeko-ahalmenaren egiaztagiria.

– Fitxa teknikoa (II. eranskina). Garatutako jardunbide egokiaren eta hartutako neurrien alderdirik nabarmenenak eta horien ondorioz ingurumenean eta enpresan izandako emaitzak eta onurak zehazten dituen oroitidazkia erantsi beharko zaio. Gehienez lauzpabost orriko luzera gomendatzen da, horretarako.

– Enpresaren logoa; aukeran, formatu bektorialetan (.ai, .pdf, .eps). Bestelako formatuen kasuan (.jpeg, .png, .tif), kalitate handiko artxiboak izan beharko dute.

– Aurkeztutako jardunbide egokiari eta erakundeari buruzko material grafiko hau:

1) Datu aipagarriak edo informazio osagarria, eta jardunbidea argitzen duten irudiak —gutxienez 2 edo 3—.

2) Enpresa eta haren jarduera aurkezteko irudiak —gutxienez 2 edo 3—.

2024ko azaroaren 26an, Itun Berdeko enpresen XII. topaketan sariak banatzeko egingo den ekitaldian, jardunbideak eta erakunde irabazleak aurkezteko euskarri bisual gisa baino ez da erabiliko material grafiko hori.

Parte hartzen duten enpresek entregatzen duten informazioa sariak zeini emango zaizkien erabakitzeko baliatuko da, eta isilpeko informazio gisa gordeko, salbu eta epaimahaiaren ustez publizitatea egin behar zaien alderdiak, saria irabazi duten enpresei dagozkielarik eta sariarekin ikustekorik dutelarik.

11. oinarria. Eskabidearen akatsak zuzentzea

Vitoria-Gasteizko Udalaren dirulaguntzei buruzko ordenantza orokorraren 20.4 artikulua-ren ildotik (2023ko uztailaren 28ko ALHAO, 88. zenbakia), eskabideak deialdian xedatutako betekizunak betetzen ez baditu, 10 eguneko epean hutsak zuzen ditzan errekerituko dio organo eskudunak interesdunari. Halaber, ohartaraziko zaio horrela egin ezean eskabidean atzera egin duela ulertuko dela, beti ere, ebazpena eman ondoren, Administrazio Prozedura Erkidearen urriaren 1eko 9/2015 Legearen 68. artikulua xedatutakoaren arabera.

12. oinarria. Saria emateko prozedura: epaimahaiaren erabakia

Entitate hauen ordezkari banak osatutako epaimahaiak erabakiko du sariak zeini eman:

– Ekonomia Sustapenaren, Enpleguaren, Merkataritzaren eta Turismoaren Saila: Enpresen Zerbitzuko burua edo hark ordezeko izendatzen duena.

– ACLIMA. Euskadiko Ingurumeneko Industrien Kluster Elkartea: zuzendari nagusia, edo hark ordezeko izendatzen duena.

– Hiri Ereduaren, Hirigintzaren, Etxebizitzaren, Garbiketaren eta Ingurumenaren Saila: Iraunkortasun, Klima eta Energia Zerbitzuko burua edo hark eskuordetzen duena.

Ekonomia Sustapenaren, Enpleguaren, Merkataritzaren eta Turismoaren Saileko zinegotzi ordezkariaren ebazpenaren bidez jakinaraziko da epaimahaiaren osaera, hau eratu aurretik, interesdun orok errekusatzeko eskubideaz baliatzerik izan dezan legeak ezarritako kasu eta baldintzetan, eta Gizon eta Emakumeen berdintasunerako otsailaren 18ko 4/2005 Legearen 3.9 artikulua kontuan hartuz.

Epaimahaiko kideak behartuta egongo dira konfidentzialtasuna gordetzera, aurkeztutako hautagaitzen inguruan, baita eztabaida eta bozketen inguruan ere.

Ingurumen-jardunbide egokientzako Itun Berdea IX. sariak emango dituen epaimahaiaren lana errazte aldera, Vitoria-Gasteizko Udaleko Ekonomia Sustapenaren, Enpleguaren, Merkataritzaren eta Turismoaren Saileko Enpresen Zerbitzuak alde aurretik berrikusi eta sailkatuko ditu hautagaitzak eta aurkeztutako dokumentazioa.

Ezingo da epaimahaiak sariak emateko orduan hartzen duen erabakiaren kontra jo. Erabaki hori isilpekoa izango da, eta ez zaie sarituei jakinaraziko, ezta gainerako hautagaitzei ere, azaroaren 26an Europa jauregian izango den Itun Berdearen Komunitateko Enpresen XII. Topaketan jendaurrean egiten den arte. Sari-banaketan, saritutako erakundearen ordezkari batek, edo hark eskuordetutako norbaitek egon behar du. Hala ez bada, uko egin diola ulertuko da.

Sariren nahiz guztiak eman gabe utzi ahal izango ditu epaimahaiak, baldin eta aurkezten diren jardunbideek nahikoa kalitaterik ez dutela irizten badio.

13. oinarria. Ebazteko epea

Sariei buruzko erabakia ez da azaroaren 26ra arte jakinaraziko. Egun horretan, Europa jauregian egingo den Itun Berdearen komunitateko enpresen XII. topaketan jakinaraziko da, legeak ezartzen duen moduan jakinarazi beharra gorabehera.

Alabaina, prozeduraren ebazpena emateko eta argitaratzeko epea sei hilabetekoa izango da gehienez.

Oinarri hauek indarrean jartzen diren egunaren biharamunetik kontatuko da epe hori.

dirulaguntzei buruzko ordenantza orokorraren 24.5 artikuluan eta urriaren 1eko 39/2015 Legearen 25. artikuluan xedatutakoaren ildotik, eskabideak ezetsizat jo ahalko dituzte interesdunek, administrazioaren isiltasuna dela medio, baldin eta aurreko paragrafoan adierazitako gehieneko epea igarotzen delarik berariazko ebazpenik eman eta jakinarazi ez bada.

14. oinarria. Onuradunen betebeharrak

Ingurumen-jardunbide onenentzako Itun Berdea IX. sarietarako deialdian parte hartzeak oinarri hauek onartzea ekarriko du berekin.

Saritutako erakundearen ordezkari batek, edo hark eskuordetutako norbaitek sari-banaketan egon behar du. Hala ez bada, uko egin diola ulertuko da; izan ere, sariei buruzko erabakia ez da azaroaren 26an Europa Jauregian egingo den Itun Berdearen Komunitateko Enpresen XII. Topaketa egin arte jakinaraziko.

15. oinarria. Balioespen-irizpideak

Ingurumen-alderdiak hobeto kontrolatzera bideratutako praktikak baloratuko dira, hala nola, enpresek 2023-2024 aldian baliabideen kontsumo arduratsu eta efizientea (materialak, ura, energia) izateko eta emisio, hondakin eta isurketak murrizteko ezarritako jarduerak –2023a baino lehenago hasitakoak ere, betiere 2023/2024 aldian indarrean jarraitzen badute–. Azken kasu honetan, hautagaitzak 2023an edo 2024an lortutako emaitzak adierazi behar ditu.

Bereziki kontuan hartuko da ekintza isolatuak ez izatea, enpresak epe ertainerako duen estrategiaren parte izatea (horizonte 2030), eta enpresa-sektoreak behar duen trantsizio-ekologikoaren baitako jardunbideen adibide izatea.

Praktikak balioesteko (lana, jarduera eta/edo aurkeztutako proiektua), irizpide hauek hartuko dira kontuan:

- Aplikagarritasuna eta erreplikagarritasuna.
- Originaltasuna eta eraginkortasuna.
- Izaera berritzailea.
- Ingurumen-inpaktu positiboa.
- Eragin sozial positiboa emakumeen eta gizonen artean berdintasun handiagoa duen gizartea lortzeko: sexismoaren, desberdintasunaren edo sexuagatiko diskriminazioaren aurka egiten duena, edo genero-ikuspegia barne hartzen duena.
- Planeta eta pertsona guztien bizi-kalitatea hobetzeko laguntza
- Epe ertain edo luzeko plangintza bateko jardunbide egokia.

Balioespen-prozesuan, egokitzen jotzen badu, ziurtagiriak bidaltzeko eskatu ahal izango du epaimahaiak, eta behar diren egiaztapenak egin. Erakunde hautagaiek praktikari eta haren eraginari buruzko informazio egiaztagarria eman beharko dute (dokumentu ofizialak edo material grafikoa).

Era berean, ebaluazio-ikustaldiak egin ahal izango ditu Ekonomia Sustapenaren, Enpleguaren Saileko Enpresen Zerbitzuak parte hartzen duten enpresetara, aurkeztutako jardueren ezartze-maila bertatik bertara ezagutzeko.

16. oinarria. Dirulaguntza kalkulatzea eta ordaintzea

Hiru sarietako bakoitzaren zenbatekoak 16. oinarrian adierazi dira, eta 2.000,00 eurokoak dira sari bakoitzeko, alde batera utzita, 12. oinarriak aurreikusten duen bezala, epaimahaiak sari bat edo guztiak eman gabe uztea.

Sarituek banku-titulartasunaren ziurtagiria aurkeztu beharko dute egoitza elektronikoa, sariari dagokion dirua sartzeko.

17. oinarria. Dirulaguntzak aldatzea

Dirulaguntza emateko kontuan hartutako baldintzak aldatzen dituen funtsezko edozein aldatetarako ebazpena aldatzea eragin dezake, betiere hirugarren baten eskubideak kaltetzen ez badira, uztailaren 21eko 887/2006 Errege Dekretuak —Dirulaguntzei buruzko azaroaren 17ko 38/2003 Lege Orokorraren Erregelamendua onartzen du— 64. artikuluan eta dirulaguntzei buruzko udal ordenantzak 25.1 artikuluan (2023ko uztailaren 28ko ALHAO, 88. zenbakia) xedatutakoaren arabera.

18. oinarria. Epea

Ez dagokio.

19. oinarria. Justifikatzeko modua

Ez dagokio.

20. oinarria. Kontrolatu, ebaluatu eta ikuskatzea

Vitoria-Gasteizko Udalak, Ekonomia Sustapenaren, Enpleguaren, Merkataritzaren eta Turismoaren Sailaren bitartez, emandako laguntzak aurreikusitako xedeetara bideratzen direla bermatzeko beharrezko diren kontrol- eta ebaluazio-ekintzak egin ahalko ditu, eta eskatzen dien informazio osagarri guztia eman beharko diote pertsona onuradunek. Horretaz gain, udaleko kontu hartzailatza nagusiaren eskumena da Vitoria-Gasteizko Udalak emandako dirulaguntzen finantza-kontrola egitea, Dirulaguntzei buruzko Lege Orokorraren hamalagarren xedapen gehigarrian ezarritakoaren arabera.

21. oinarria. Dirulaguntza galtzea, laguntzak itzultzea, eta horretarako prozedura

Deialdi honetan adierazten diren betebeharrak ez betetzea laguntza itzularazteko arrazoi izango da, Dirulaguntzei buruzko Lege Orokorraren 37.1 artikuluan xedatutakoaren ildotik.

Oinarri hauetan jasotako kasuez gain, dirulaguntzei buruzko ordenantza orokorraren 40. artikuluan (2023ko uztailaren 28ko ALHAO, 88. zenbakia) adierazten diren kasuetan itzuli beharko dira jasotako zenbatekoak, eta dirulaguntza ordaindu zenetik itzulketa bidezkoa dela erabakitzen den egunera arteko berandutze-interesak eskatuko dira, edo zordunak itzulketa sartzen duen egunera artekoak, hura baino lehenagokoa bada.

Halaber, dirulaguntzei buruzko ordenantza orokorraren 40. eta 41. artikuluetan ezarritakoa aplikatuko da itzultzeko kausei, preskripzioari, itzultzeko betebeharra duten pertsonen eta itzulketa-prozedurari dagokienez.

22. oinarria. Datu pertsonalen tratamendua

Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoa betetze aldera, Vitoria-Gasteizko Udaleko Ekonomia Sustapenaren, Enpleguaren, Merkataritzaren eta Turismoaren Sailak jakinarazten du eskatzaileen datu pertsonalak "Sailaren jardueren kudeaketa" izeneko fitxategian sartuko dituela; Ekonomia Sustapenaren, Enpleguaren, Merkataritzaren eta Turismoaren Sailaren jarduerak kudeatzea du xede fitxategi horrek. Horien gaineko eskubideez baliatu nahi izanez gero —norberaren datuak ikusi, aldatu, ezeztatu edo kontra agertu—, Vitoria-Gasteizko Udaleko herritarrei laguntzeko bulegoetako batera jo beharko da.

Pertsona onuradunak adierazten du betetzen dituela datu pertsonalak babesteari buruz indarrean dagoen araudia eta, bereziki, bere fitxategiei dagozkien segurtasun-neurriak.

Gainera, datu horiei Datu Pertsonalak Babesteko abenduaren 5eko 3/2018 Lege Organikoan aurreikusitako segurtasun-neurriak aplikatzeko konpromisoa hartzen du.

23. oinarria. Berdintasun-klausulak

Entitate onuradunak Emakumeen eta gizonen berdintasun eragingarrirako 3/2007 Lege Organikoan eta Emakumeen eta gizonen berdintasuna lortzeko eta emakumeen kontrako indarkeria matxistarik gabe bizitzeko 4/2005 Legean xedatutakoa bete beharko du. Era berean, errespetatu egin beharko ditu transexualak genero-identitateagatik ez baztertzeari eta haien eskubideak aitortzeari buruzko otsailaren 15eko 14/2024 Legea, 2024ko martxoaren 1etik indarrean dagoena, eta Yogyakarta printzipioak: giza eskubideen nazioarteko legedia sexu-orientazioari eta genero-identitateari dagozkienetan aplikatzeari buruzko printzipioak.

Hartara, giza eskubideen alorreko legedia eta dokumentazioa errespetatzeaz gain, hitzarmena sinatzen duen entitatearen proiektuak bat egingo du Vitoria-Gasteizko Udalak bultzatzen dituen genero berdintasuneko politikekin.

Hori dela eta, konpromiso hauek hartzen ditu:

— Genero-ikuspegia eta ikuspegi interseksionala txertatzeko konpromisoa, herritarren egoera eta premia desberdinak sistematikoki kontuan hartuz; generoaren, klase sozialaren, jatorri kulturalaren, administrazio-egoeraren, adinaren edo dibertsitate funtzionalaren arabera desberdintasunak agerian uztera edo arintzera bideratutako helburu eta jarduketa espezifikoak txertatuz, eta ekintza positiboak aurreikusiz.

— Generoa kontuan hartzerakoan, pertsona guztiak emakume edo gizon heterosexualak direla ziurtatuz ez jotzeko konpromisoa —zisheteronormatibitatea—, ezta familia guztiak nuklearrak direla ere. Orientazio sexuala eta genero-identitatea tratatzerakoan, patologiazioa, biktimismoa eta pinkwashinga saihesteko konpromisoa.

— Egiten dituzten estatistika, inkesta eta datu-bilketetan sexua/generoa aldagaia sistematikoki txertatzeko konpromisoa —emakumea/gizona/ez-binarioa edo entitateak egokitzat jotzen duen beste forma bat—.

— Hizkuntza eta irudien erabilera ez sexista eta inklusiboa egiteko konpromisoa, pertsonak edo pertsona-taldeak bidezko modu batean irudikatzeke, generoaren edo egiturazko beste edozein desberdintasun-iturriren arabera rol eta estereotipoak indartu gabe.

Vitoria-Gasteizen, 2024ko apirilaren 16an

Administrazio Zerbitzuko burua

JOSEBA ANDONI GARCÍA-ARDANAZ ARDANAZ

ERANSKINAK

I. eranskina: Eskabidea eta zinpeko aitortpena

<https://www.vitoria-gasteiz.org/docs/wb021/contenidosEstaticos/adjuntos/es/50/70/85070.pdf>.

II. eranskina: Fitxa teknikoa

<https://www.vitoria-gasteiz.org/docs/wb021/contenidosEstaticos/adjuntos/es/25/70/62570.pdf>.